

Bernancio!

Limérot 87 III-2006 1,5€

JHORNÀU EN PARLANJHE DE LA RÉJHIUN POETOU-CHÉRENTES-VENDÀIE

LA TELÉ EN NÉRS É BLLANS

Ol ét la révoluciun den lés télévisiuns ! Çhète étai, ol at daus « mundes de coulour » den vos cadrants. Sunjhez dun ! Harry Roselmack, in Martinicaes nér renpllace Poivre d'Arvor pr le jhornàu télévisai dau sér. Su France 3, ol at Vanessa Dolmen pr présentàe lés jheùs « d'Intervilles ». É su France 2, Anthony Kavanagh pr « Dancing show » ? Vela dun que lés minouretais voeyablls pouvant se voer. Çheù, ol ét ine boune afaere. Ol at portai dau tenp avant qu'o se féjhe, mé a fine force, lés afaeres avenjhant.

Prtant, o m'ét évis que tot çheù rechte den l'émajhe, le dessus. Le mae

cunsequent, ol ét o pa l'endeden ? Ét vrae que béréde encore écorniflant çhélés-la qu'avant pa la pea queme entreùs, é qu'o se voejhe daus peas néres den la boullite de la télé, tant meù, bun Diou ! Mé, tot de maeme, lés vraes minouretais, a sant éle pa àutrepart ? Minouretais de l'endeden, daus çhultures, daus parlanjhes. É çhés minouretais, i lés voeyun pa ghére a la télé, pa pu qu'i lés entendun.

Ol ét pa aesi qu'ine pea nére devéjhe blanche. Mé a fine force, l'Afriquén pérd sun parlanjhe. Le pérd de parlàe avéc sés draules le parlanjhe matérnàu, l'at pour d'être regardai queme yin qui veùt rechta devore. Le dét crée queme trtots lés Françaes de France que pr être in vrae Françaes, o fàut parlàe français, rén que français.

Le minisce dau Deden, Nicolas Sarkozy (qui sunjhe

Sivéz pajhe 2



Den çhou limérot :

La télé en nérs é bllans, pr Micha...1

Cuncourerie de tiatre...2

Molière en parlanjhe dau Poetou...3

Kwasa-kwasa, pr Chebrét...4-5

Dires é dituns, paroles pr lés petits...6

Charle Milcendea, pr Micha Gautàe...7-8

pa ghère a l'endeden daus mundes) veût bé gardàe lés draules qui parlant pa le parlanjhe de leüs péres é mères, dau péyis que le denvenant, lés draules qui parlant rén que le françaes. Si in draule que la mère denvenét d'Afrique parlét angllaes, çheù serét pa bllamable. Mé que le draule parle ouolof bedun peul, arabe bedun berbère, çheù ol enpaèche que le devéjhe in vrae françaes, é le dét être renveyai. O veût bé dire que den la tàete a Sarkozy pi a bé daus yins queme li, ol at daus parlanjhes de dessu, é daus parlanjhes de debas. Jules Ferry, çchau pape de la République, disét qu'ol avét daus « races supérieures » é daus « races inférieures », é qu'ol étét aus « races supérieures » de cévilisàe lés « races inférieures ». Çheù velét débllamàe la colounisaciun, é çhéle idàie ét encore vrioche. Le peul é le ouolof, ol ét queme lés « patois » ché nous, daus patoes que parlant daus paesans brutàuds, malenparolais. L'égaletai daus parlanjhes ét a faere, a cause que l'égaletai daus mundes ét encore bé loén.

Çhés qui sant a la tàete velant pa cunprendre que le petit Afriquéen at de besén de la chaudure de la mère é d'in parlanjhe matérnàu pr pa avoer pour d'alàe vér ine àutre çhulture. In parlanjhe at jhamae enpaèchèe d'en aprendre in àutre. A la cuntrère. La jhimastique daus mots pllét aus draules. É ol at oghu in députai françaes pr dire que lés draules qui parliant in parlanjhe matérnàu d'étranjhe deveniant pu grands daus maufesents !

Micha

CUNCOURERIE DE TIATRE EN POETEVIN-SÉNTUNJHAES é en OCCITAN

Pr métre en valour sun patrimoene lénghistique la Réjhiun Poetou-Chérentes mét en lan ine cuncourerie de tiatre en poetevin-séntunjhaes é occitan, d'apràe ine idàie de la Parçounerie çhi fét apràe lés parlanjhes réjhiounàus (parlanjhes poetevin-séntunjhaes é occitan) au Cunséll réjhiounàu dau Poetou-Chérentes.

Enveyàe in tésce qui péjhe se lire en moén de 20 minutes (morcea de péce, ou péce), avant le 30 d'avrell de 2007 a :

Concours de théâtre en poitevin-saintongeais
et en occitan

Association SEFCO

Maison de Jeannette – Les Granges

51 rue de la Garousserie

17400 Saint-Jean d'Angély

Réglement cunpllé a demandàe a Bernancio.



[Le cunvéndra pa que l'ét médecin] a mén que vous ne darachiéz chacun ine trique de sés fagots é que vous le laciéz bénrède.